

宋學士全集

一



宋學士全集

(一)

宋 濂 撰

宋學士全集序

六經爲載道之書。不得以文目之。然而宇宙之至文莫如六經。何哉。道存故也。後世工文者。代有其人。要皆文士之所爲。而不得與於斯道也。自唐韓子出。始倡明道學。約六經之旨以爲文。至宋而歐陽子續其統。朱子呂子集其成。元則有若白雲許氏。以及吳淵穎。黃侍講。柳待制。暢其流而衍其緒之數子者。其爲文不必相同。要其羽翼六經。使聖人之道昭昭然。若揭日月而行。則罔弗若合符節焉。踵起者其惟潛溪學士乎。學士爲明初開國鉅儒。始學於聞人夢吉。其友胡仲子曰。舉子業不足學。盡肆力于古文詞。乃往從吳淵穎先生游。盡得斯道真傳。學旣成。會太祖下婺州。與劉文成同日徵起。遂受知文成。以助業顯學。士以文學著。生平著述數百萬言。烏虜盛矣。明史本傳稱其自少至老。未嘗一日去書。于學無所不通。爲文醇深演迤。與古作者抗。當時士大夫造門乞文者。戶屢恆滿。卽外國貢使亦知其名。數問起居。且有以兼金購其文集者。其聲稱赫赫如是。所可異者。明初干戈擾攘。豪傑奮興。或身歷戎行。或謀參帷幄。奇勛偉烈。彪炳旂常者。惟武功居多。獨學士以儒生驟班侍從。十有餘載。凡朝廷大制作。大號令。皆出其手。其所以羽儀王國。黼黻休明。爲文臣之冠冕者。豈倖致哉。夫惟道積厥躬。有以發乎邇而見乎遠也。謹按我朝四庫書目載文集三十六卷。百川書志載七十五卷。有鑾坡。翰苑。芝園。朝京各集之名。係正統九年初刻。王忠文作公傳。祇云潛溪內外集三十卷。蘿山吟稿三卷。鄭長史作公行狀。又云潛溪集四十卷。芝園

集五卷。已行於世。翰苑集四十卷。芝園集歸田以後作者四十卷。刊于蜀者十八卷。弋陽高溥選定刊于金華者爲全集三十三卷。高淳韓叔揚彙纂康熙間彭方洲殿撰視學浙中重刻者三十二卷。附錄一卷。合攷是書卷數互異。茲刻悉遵彭本。剗刪將竣。續獲明本。較韓本文多至三百四篇。詩多五十四首。續刻補遺八卷。以附于後。韓本與明本及各集中歧異者。另纂辨訛考異二卷。刻既竣。爰序其顛末。以質諸海內之藏公集者。共相審定焉。同治十三年甲戌冬月。永康後學胡鳳丹謹序。

新刻金華宋學士全集序

文章與世運爲升降。而尤必以合乎理道爲根柢。唐之初葉。沿六季餘習。而稱起衰者。乃在元和以後。昌黎之一人。宋興。能文章家稱楊劉。至歐陽氏黜險怪。一出於正。然必待子朱子出。然後文與道合而爲一。斯其難哉。有明當開國時。卽有金華潛溪宋先生爲文章之冠。疑夫文章之興。大抵在中葉以後。薰陶醞釀。積之遲久而後發。而公獨能於兵戈擾攘之際。與謀臣猛士翼運並起。意者山川蜿蜒磅礴之氣。鬱積而發。而士之挺然負其瑰瓌者。因之光芒顯燦。不可遏抑歟。予夢想金堂石室之閒。欲一至其地。以攬勝槩。舊矣。歲丙戌。奉簡命視學浙中。私心竊喜。迂陋如余。幸備輜軒之役。庶幾攷文獻。訪佚遺。用斧藻於萬一。旣驅車上下。尤愛浙東山川秀傑。昔人所謂仙靈窟宅者在。是於天台一至石梁。聆方廣之唄音。觀赤城之霞起。於南雁問龍湫。列戟鑊天。芙蓉淬鏑。登桃花嶺。而沃州天姥蒼翠落襜褕也。停婺州窈窕洞穴。流穀琤玉。幽討益奇。恨未至浦陽一瞻潛溪祠堂。而仙華寶掌。猶髣髴夢見之。意所爲蜿蜒磅礴。光景欲出者。當不或靳。我國家人文化成。光華復旦。文德武功。超軼前代。而諸士生勳華之世。誕山川奇拔之鄉。閒者古學閭如。頽墮不振。或者宿學耆儒。薤光剝采於嵯巖之閒者尙多耶。今聖天子加意右文。屢求博學之儒。以任纂修。備顧問。且令督撫諸臣。各舉山林遺逸之士。則珠光劍氣。出而襄興朝之景運。此其時矣。予旣勉士子以通經學古爲兢兢。顧念今文古文原無二理。志遠大者。取法於其近。鼓奮往者。競長

於所習。夫齊人將有事於泰山。必先有事於配林。晉人將有事於河。必先有事於滹沱。六經者。所以載道。而韓歐與程朱諸子。又所由以倡明六經。以共遵夫道者也。魯斤宋削。取則不遠。子之鄉先生宋金華者。固以韓歐之文筆。而承朱呂之嫡派也。蓋其先得法於柳待制。貫黃待講。潛文已成矣。猶以爲未也。而加以探本討源。以求夫呂成公朱文公之學。然後浩乎沛然。瞻博淵閎。大放厥詞。諸生歸而求諸六經子史。以沃夫根柢之所在。次取金華諸子。以遡夫何王金許之傳。將文也。而道寓焉矣。粹然不駁。卓然自立。而人爲一代之人者。文亦爲一代之文。必有曠然豁然。與山川氣勢相爲雄長。而非風雲月露。修纖靡之詞。險僻軋茁。入怪異之徑者。所得同日語也。將見播禮樂之休明。揚辟離之鐘鼓。以翼聖朝文明之治。庶不負使者惓惓授刻茲集之意乎。至於揚摧品。罵前輩諸家詳矣。予故不復贅云。豈康熙四十八年歲次己丑夏四月。兩浙督學使者。南陽彭始搏題於秀州公署。

臣聞才華者。功業之符也。而非根究於理道。則立言爲無本。文章者。道術之餘也。而非闡釋其微言。則絕業亦不著。是必有明體達用之學。貫串古今。彰諸實事。使本末源流。匯而爲一。而不至以辭華之習。與性命之旨。判若蒼素。則人爲有用之人。而文爲有用之文。然後可以佐聖世文明之治。我皇上以聰明天縱之姿。問學淵邃。匯洙泗之源於數千載之上。萃唐虞之統於十六字之中。表彰經學。尊崇儒術。濂洛關閩諸書。悉闡祕奧。而尤拳拳加意於樂育人才。十五國學。臣之使臨軒策遣。咨警告誡。至再至三。臣幸以載筆之末。翺游禁近。私心覩記。竊以爲風詩所載。菁莪棫樸之盛。千古一時。乃復荷殊恩。不棄迂陋。俾持衡浙水。悚然負惕。如鈇鉞之臨於上。如淵冰之集於躬。下車之始。仰求所以不負付託之重。唯有廣勵學官。敦本興行。庶幾導揚聖天子作人雅化。爰進士子而教之。使知窮經學古。培壅根柢。不愧真儒。竊念浙水自呂成公東萊倡道婺州。與晦菴朱子相往復。何王金許之徒。與聞乎斯道。唯潛溪宋景濂承其後塵。探討緒論。爲古文辭。粹然不失儒者淵源。士子卽其鄉先生之文。奉爲模楷。沈潛而熟復之。自此上究六經之旨歸。徧求諸儒之論說。所謂因文見道者。當在於是。因訂其訛誤。芟其繁複。彙爲全書。留諸庠序。日省月試之餘。東西浙士子。頗能蔚然興起。漸去其空疏浮薄之習。以底於醇茂古雅之遺。華川文派于焉不墜。顧念末學如臣。摻羅文獻之事。才有未逮。何能仰贊高深。而凜凜淵冰。三載如一日者。唯冀士子人人窮經。人人學古。儲材於有用。苟其交相敦勉。振起雍容。知性命之外無事功。經史之外無文章。華實兼收。體用一致。將見多士楨幹。悉能上體皇上懇勸訓勅之意。卽微臣之竭蹶忱惓。以弗負聖主簡畀之意者。

亦可少弛負擔。免於覆餗之愆矣。用是齋心虔祓。拜手稽首。敬識其緣起。少抒其愚誠之萬一云。時康熙四十八年四月上浣提督浙江學政詹事府右春坊右諭德兼翰林院修撰臣彭始搏薰沐謹記。

新刻宋學士全集例言

一搏以菲才。恭膺簡命。視學兩浙。蒞茲文獻之邦。著作不啻如林。仰體聖天子加意文治。凡名山石室之藏。悉皆搜採。而浙東三大家如劉文成公、宋文憲公、方正學先生。尤爲卓出。竊願攷訂其集而重新之。未逮也。試事甫竣。誠意伯十二世孫元奇。以重新公集請。予旣爲之作贊。授以梓行矣。若遜志齋集。已經鏤板。毋庸重訂。獨宋學士集。篇章殘缺。字畫模糊。因亟圖所以釐正之。

一學士之文。舊有潛溪集、朝京稿、翰苑集、鑾坡集、芝園集、龍門子凝道記、浦江人物記諸刻。迨嘉靖時。浦江尹韓叔陽、孝廉張元中。彙成一帙。共三十三帙。而舊時諸刻不可得見矣。今止就此本開雕。苦多差訛。乏善本對勘。徧證於明文選本中。缺者補之。訛者訂之。而猶未愜也。會將竣。始得朱太史竹垞所藏分年本。復爲詳校。始獲釐正云。

一是集雖韓叔陽氏鏤板。厥後吳良悌、吳應台。次第修之。至國朝經歷百年。板益模糊。順治壬辰。卽墨周君日燦。以括蒼郡丞署篆浦江。命邑庠張應廣爲之校訂。止就其燬者、朽蠹者。補制數十葉。且藏皮失所。庸坊劣工。恣意印刷。遂致剝蝕零落。間有煙煤塗塞無字者。後人妄意改補。益致不堪寓目。今世所行者。惟此本耳。并韓叔陽舊刻。予至婺。遍尋止得一本。猶殘缺不全。嗟夫。文獻無徵。豈獨異世爲然哉。韓本將分編合輯。諸舊序彙梓附錄之後。然楊鐵崖及揭泂等三人序未入其中。可見潛溪等分年諸

集并韓尹刻集日亦未之見也。今爲增此數篇於首題辭後。又將韓叔陽張應廣二序附於其後。以志其總刻全集之緣起。移之首卷。其言行錄世譜記以及行狀傳贊則咸附末卷。他若建祠文移祭產圖籍雖非文類。第恐歷久侵牟。載以杜弊。至於地畝四至。稍從節略。

一是集經始戊子季秋。洎己丑孟夏。凡七閱月而卒業。以工匠於杭開局。而校對又在禾中。有樣本未校清而遽上板者。改之無及。不無遺憾。雖予勉捐薄俸。節用以速其成。然金華胡別駕具瞻實愆其事。督率之勞。不可泯也。其同事校訂者。有華亭孫子鉉。及門山陰金子以成。平湖馮子幾。桐鄉湯子士琦。臨安高子成楷。義烏朱子士珽。東陽盧子人表。贊襄參訂。又有錢子以煥。吳子樹。并爲識之。

一是舉於科試金華日。衆士子籲請翻刻公集。一時倡率者。太守王以巽。浦江令楊汝穀。委邑庠生傅旭元總其事。後以衆分難齊。予檄止其局。遂獨力任之。然首事綴緝。往復商榷。咸與有勞焉。并勒名集中。

彭始搏方洲識

宋學士全集目錄

卷一

賦

奉制撰蟠桃嶺賦

崆峒雪樵賦

頌

平江漢頌

膏露頌

嘉瓜頌

鳳陽府新鑄大鐘頌

擬晉武帝武功頌

擬薛收上秦王平夏鄭頌

豫章鐵柱頌

三老圖頌

詔

奉制諭安南國詔

誥

給事中安統除兵部尙書誥

遙授李思齊江西行省左丞誥

侍御史王居仁除山西行省參知政事誥

同知臨洮府事班景道除陝西行省參知政事誥

擬誥命起結文

表

進新律表

進元史表

致仕謝恩表

箋

致仕謝恩箋

卷二

記

觀心亭記

遊琅琊山記

元史目錄記

歙縣孔子廟學記

集賢大學士吳公記

浙東行省右丞李公武功記

故懷遠將軍高昌衛同知指揮使司事和賞公墳記

恆山精舍記

華川書舍記

月堀記

松風閣記

生生堂記

怡養堂記

復古堂記

敦睦堂記

棣華堂記

貞白堂記

永思堂記

貞則堂記

貞節堂記

經畬堂記

盧龍清隱記

金華張氏先祠記

國清林氏重建先祠堂記

平陽林氏祠學記

先夫人木像記

安道堂記

思遠樓記

見山樓記

瑤芳樓記

卷三

記

閱江樓記

遊鍾山記

宋九賢遺像記

葉治中歷官記

宣慰曾侯嘉政記

浦江縣新建尉司記

靜學齋記

修慎齋記

沖默齋記

寅齋後記

栖雲室記

惜陰軒記

雙桂軒記

三益軒記

復古軒記

塤篴軒記

雲寓軒記

遯畊軒記

慈孝菴記

看松菴記

孝思菴記

趙氏時思菴記

拙菴記

清風亭記

環翠亭記

蘭隱亭記

新雨山房記

水北山居記

卷四

記

代祀高麗國山川記

蔣山廣薦佛會記

遊塗荊二山記

孫忠愍侯墳記

先大夫碑陰記

龍淵義塾記

長洲練氏義塾記

朱氏家慶圖記

西甌黃氏家牒記

金溪縣義渡記

玄武石記

蘭亭觴詠圖記

重榮桂記

蜀墅塘記

貞一道院記

卷五

序

恭進日歷序

洪武正韻序

昭鑒錄序

南征錄序

養親園記

戴亭張氏譜圖記

俞巨川墓記

天台廣濟橋記

靈洞題名後記

饒氏杏庭記

渤泥入貢記

江乘小墅記

進呈寶訓序

洪武聖政記序

太古正音序

會試紀錄序

庚戌京畿鄉闈紀錄序

春秋本末序

孝經集善序

理學纂言序

八詠樓詩紀序

革象新書序

篆韻集鈔序

醫家十四經發揮序

呂氏采史目錄序

杜詩舉隅序

卷六

序

國朝雅頌序

御賜甘露漿詩序

寄和右丞溫迪罕詩卷序

辛亥京畿鄉闈紀錄序

春秋屬辭序

書史會要序

吳郡廣記序

重刻貞觀政要序

景定諫疏序

重校漢隸字源序

葬書新註序

華川文派錄序

郊禋慶成詩序

應制冬日詩序

春日賞海棠花詩序

望雲圖詩序

葛孝子詩序

竹塢幽居詩序

桃花澗修禊詩序

劉兵部詩集序

劉彥昂詩集序

劉母賢行詩集序

蔣錄事詩集後序

剡源集序

張侍講翠屏集序

王氏樂善集序

愚齋集序

鄭氏聯璧集序

莆田四如先生黃公後集序

呂氏孝感詩序

林氏詩序

王氏夢吟詩卷序

鄭氏喜友堂讌集詩序

汪右丞詩集序

林伯恭詩集序

孫伯融詩集序

田氏哀慕詩集序

霞川集序

馬先生歲遷集序

丹崖集序

訥齋集序

東軒集序

卷七